



大愚臺


嘉興 褚鳳翔 愚

半隱居臺下 庚申至癸亥

柴門小葺 并序

柴門深處距郡城之東南五十里自宋以來世居
於此明季始遷角里在田之宅每歲一再過焉先
子修葺後逾二十載庚申三月余復鳩工二旬而
畢題詩紀之

傾廈思將一木支重興板築覆茅茨但祈風雨除今日
敢望垣墉倍舊時老去恥爲窮措大閒來甘作賤場師
荷蓑荷笠明年始五十躬耕未是遲



哭朱魯菴

如君洵古人相對總天真
訥言偏直謙謙技入神治
生何信拙濟物不憂貧
腸斷聞川路重來墓草新
朱精醫理明司寇大啓之後

牡丹花下

晴日明窗誦蓼莪
幾番掩卷幾滂沱
無雙國色迎人笑
不解人愁奈若何

寄王思贊

思贊客彭城

極目飛鴻杳依依
寄遠音千金季布諾
百感雍門琴弔古詩
誰和懷人夢獨尋
年來風樹嘆異地有同心

壽盛母鍾孺人

京陵家範久推鍾
七十新膺紫誥封
萊綵舞逢三月
朏潘輿行看百花穠
含飴繞膝無非玉
酌斗升堂盡是龍
此後十年頻祝嘏
遙知不老似昌容

掩扉

節性無從制病魔
掩扉經月少人過
牡丹信裏驚春老
布穀聲中怨雨多
措大敢希燕石價
就衰聊學楚狂歌
一壺只合騰騰醉
美睡由來勝按摩

六月六日

令節稱天貺相傳自宋真
誰知崇伯子石組始生辰
禹

生于夔道石組鄉石組一作石紐

春色滿皇州

斗柄從東指皇都景物新有花皆似繡無草不如茵樹
裏鶯聲繞梁間燕語頻鞦韆雲外影蹴鞠陌頭塵在在
皆蒙澤熙熙共飲醇堯天兼舜日孰不樂鴻鈞

宮池產瑞蓮

宮禁多和洽休徵並蒂蓮臨波同窈窕拂檻兩嬋娟翠
扇迎風合紅衣顧影連雙珠來越海聯璧產藍田玉井
祥難比滄洲色未妍因承天澤早佳氣占秋前

寄顧松仙

舊好無忘有幾人多君頭白尚如新一年別緒憑誰說
六月炎威勢絕倫伏軾可能完太璞振衣且自拂行塵
明朝細柳營中去笑把雞冠換角巾

聞川吊古次韻

聞家湖盡捕魚舟出沒常同鷗鷺遊舊市黃江涇左畔

何人弔古一回眸

舊聞川市黃江涇今訛作王江涇

蚺隱碑湮歲月長雨花別院自燃香王孫篆額歸何處

唐肅空傳句兩行

雨花界

層構當年棟宇新海雲一覽快遊人名存址廢憑誰問

博似元卿見弗親

海雲樓

蕭蕭故壘久深耕父老猶傳舊若名當日屯兵真蟻鬪

淮張事業那能成

若基

極目烟波去雁遙萑苻幸未見楊么紅蕖白露澄溪水

不減西泠與斷橋

雁蕩

將軍塚孰像祁連空築京觀韻瑞亦入平聲意惘然一樣淒涼風

雨裏不堪重問破倭年平倭碑

千秋隋史未曾披聞說堤成大業時財賦東南民力竭

年季飛輓餉京師隋堤

濯纓磯址鳥成羣別喚蓮花見舊文古廟僧歸誰是伴

一陂閒水和閒雲蓮花墩

東朗師

咫尺宛如千里隔半年詩思竟何如池邊月夜推敲定

好寫瑤箋付鯉魚

七夕雨

涼風來東北薄暮雨如絲今夕是何夕織女新停機迢

迢詣牽牛一年歡樂時層雲掩河漢星斗無光輝會合

只須更慘淡徒增悲萬事天安排智巧何從施中庭陳

瓜果憫彼兒女癡

舅父陳翁七秩自壽次韻

漫數家風六出奇華山高隱畏人知養生方在如童日

為善心殷倍壯時筆落珠璣驚煥彩歌成金石勝彈絲

渭陽憐我思無限三復情深介壽詩

凌晨

凌晨聞鵲噪整履步階除烟霏向日開爽氣侵衣裾鳥

鳴兒女喜俯仰成自如而我何獨愁搔首空踟躕

秋日過淨相寺閱為山上人詩稿

行行祇爲愛秋光又逐鐘聲叩上方寺帶淨名千障掃
人離囂地百端忘山房額文通老去探懷罄處默神來下
筆忙古鼎有香甌有茗不妨笑語到斜陽

重過木蘭山房示東臯上人

憶昔曾煩僧煮茶木蘭樹倒已無花到來似有三生約
放浪虛乘八月槎竹徑犬驚人貌異墻陰雞唱日光斜
題名自笑非王播敢向雲房問碧紗

訪具宜和尚不值

我失迎師憶往年此來那復見無緣閒雲孤鶴何天樂
明月清風觸處禪輪轉祖庭真印在偈留鄰衲慧燈傳
歸山莫訝無金施久乏長門買賦錢

九日

連年風雨阻登高此日攀躋羨客豪霜染林楓成錦繡
烟開水國息波濤籬邊菊在誰同採堂背萱凋空薦糕
記得去秋環四代茱萸徧揷笑兒曹

上元李母耿孺人輓詞

燕婉年平女芳徽播隴西入厨勤洗腆截髮勝摩笄鏡
掩鸞朝去魂歸烏夜啼親朋空洒淚流恨滿青溪

壽朱稼翁

謝傳清門世澤長文孫六十正康強鸞坡在昔推公叔
虎觀于今待紫陽庭挺采芝爭獻瑞箋飛白雪盡生香
梅花歲晚當誰寄知己中朝有李綱謂穆堂先生

苦寒

時寒非不好多病獨添憂幸蔽原思肘慚無季子裘猷
冰僮手戰報雪鳥聲愁清若空徒羨隣家尚未篋

病夫

萬里橋東一病夫囊空長被鬼胡盧百年剩有新詩卷
四顧悲無舊酒徒青草芽生春欲鬧山磬風竟歲云徂
艱難雙髮拚如雪祇恐愁多白到鬚

駕湖權歌十二首

澄波如鏡秀州東面面荷花相映紅往事短長流不盡

月明都在權歌中

郡城即宋秀州駕鵞湖在東南朱太史竹垞譚太守舟石各有駕鵞湖權歌百首

桃花橋畔菜花穠小艇成羣賣菜傭欸乃一聲衝霧去

真如禪寺正晨鐘

桃花橋在苑花里人家多種菜真如寺唐相裴休宅基

杉青閘水接平江鴨嘴船來啓碧窗好向端平橋畔聽

施侯廟裏弋陽腔

杉青閘在端平橋北施侯廟在旁相傳即宋施全鴨嘴船以頭似鴨嘴故名

長水塘南看水嬉榜鼓嘔軋影參差尋春不少如花貌

未省何人是牧之

長水塘在湖之南馬王塘橋每歲清明前後演習快船觀者如堵

畫舫春從天竺歸龍淵小住叩禪扉佛前回嚮先開酒

一路紅櫻綠筍肥

龍淵在景德寺三塔前木俗從天竺三燒香回必再擇菴寺揀燭謂之回嚮從此開葷酒

玉泉花港昨觀魚回棹南湖樂有餘聞說碧光禪院靜

夕陽隨喜問如如

碧光禪院在湖西偏有放生池

鷓鴣放盡隔船呼兒女爭先問有無昨夜燈燃東塔頂

今朝魚沒相家湖

相家湖在城東北十里俗傳東塔所照如一夜燃燈明日湖中不獲一魚

上已尋芳東復西
季年載酒鄭公堤
新愁舊恨憑誰訴

不及流鶯自在啼
鄭公堤在城東會龍山南北兩堤狀如龍角以障東流二水鄭公名振先明萬曆中嘉邑令

携筇常懶着梭鞋
乘興惟尋搖碧齋
餅肆茶坊隨意往

這回不是舊襟懷
搖碧齋宋時船名梁溪集風急難乘搖碧齋

生長江村農事諳
晴過穀雨共收蠶
大姑來把今年好

莫聽旁人說二三
禾俗穀雨收蠶子其年值大姑把蠶收繭必多

彎彎月子兩頭纖
膈膊雞鳴醒黑甜
行到天明十八里

橋頭小市颺青帘
十八里橋在漢塘乾隆六年二月晝大雷雨橋遂圯

二八吳娃窄袖衫
瞳神剪水手摻摻
敵樓望見先收柁

記得亭名是落帆
敵樓明胡宗憲所建落帆亭在杉青閣堰上

春蠶成繭
八韻限咸字

遲日收蠶子三眠
萬戶成桑間鶯
睨梁上燕呢喃
簇簇黃雲布山山
白雪纓織成形
似郊封就密于
函浴日全憑水淹
時偏喜鹹同功
了不異抱子迥
非凡採後空存
箔繅來好作衫
懿筐雖罷執
又費手摻摻

荷

亭亭恒獨立
縹緲對虛窗
但使香凝室
何煩采涉江
古詩

凌波如有意
傾國本無雙
清夜西園宴
魏文帝芙蓉池詩乘輦夜行游芙蓉

消遙步
晨鐘知未擬
西園

蟬

嘒嘒異鶯黃
悠揚引興長
轉丸迎夏圻
如沸向炎忙
清越騰高柳
淒涼送夕陽
物情同世事
切莫忘螿螂
羅念菴詩世事

到頭螳
捕蟬

扇

涼飈生座上驅暑有神功
下下高高手團團陣陣風
揮蠅何處避撲蝶幾回空
好與平頭說炎天感德同

李詩平頭奴子

扇搖大

蛙

兩部聲盈耳池塘入夏齊
柝鳴雜犬吠漏盡伴雞啼
喧雨苔侵徑銜花草滿堤
越王曾式勇

越王勾踐見一怒蛙式之以其勇也

一任

伏波低

馬援見公孫述以井底蛙比之

螢

末光非附月點綴碧天澂
照夜渾如壁雙書不減燈
曾

聞流矢墮

漢武威太守劉子南佩螢火丸賊矢未至馬數尺輒先墜地

莫詡滿山增

隋煬帝夜出遊山徧放螢火

顯晦雖無定行藏兼爾能

冰

凌陰入夏故辟暑藉寒冰
似玉光逾皎如山質自凝
一塵從不染三伏竟全憑
肉食嗟無分冲冲伐未曾

月

皓魄清宵滿何須秉燭遊
玉衡同燦燦銀漢自悠悠
色淨憑誰洗光寒逐水流
一輪今夕望端不讓中秋

雨

暑雨晝傾盆山村接水村
湛恩原自渥美利竟無言
杲杲何人怨祁祁到處煩
密雲俄頃散新月又黃昏

瓜

翠實蘊甘齋清涼澣齒香剖朱疑寶露割蜜勝糖霜漫
許青門美還推東野良文園頻苦渴願得一匙嘗

蛩

一葉桐初落莎虫機下歸長鳴秋漏促振羽露華微唧
唧風侵戶淒淒月照幃休矜勇百倍養晦是知幾

賀曹容光入泮

平陽才子早知名鵲起今看羽翼成此日泮宮誇國士
他年杏苑振家聲珠生滄海光同耀劍出豐城氣並明
語水由來傳正學待君昆弟冠羣英

容光與兄學亭同
受知于學使彭公

五夜星辰落鏡中

中宵天宇最淒清影入澄波倍有情光轉玉衡同照膽
浪搖銀漢似容成千家柝響青燈淡萬井烟消皓月明
誰道水晶宮更好茲遊也不減蓬瀛

絡緯詞

一葉梧桐落井牀蕭蕭絡緯怨昏黃深閨少婦聽來慣
杼軸空存未必忙
切切淒淒遠近同芙蓉花外五更風悲涼似和囊螢客
吟徹清宵意不窮

檢季女所讀書誌慟

生小星星愛誦詩清平調罷又宮辭春來無限塵侵案
腸斷松窗日永時

朗師過訪索折玉蘭余失足致跌起而嘔血詩
以自嘲

不見湯休久烹茶共看花清芬環座好潔白羨羗賒折
贈師深喜顛狂我信差心肝今日嘔敢自附詩家

烟雨樓即景

青油春舫綠楊邊倚檻新粧望若仙細雨不憎人極目
底隨風湊一樓烟

春暮莊文載携酒偕朱雲來丹林過余羣玉軒

性僻年來慣避人尊開今喜得莊辛縱橫坐上非關酒
嘯傲花前不爲春折檻舊風誰振振談經餘旨尚津津
廿年心折豐城劍從此相羊意日親

立夏前一日辭友人招飲

花信忽忽候屢更人生行樂有同情明朝欲送春歸去
辜却西隣倒屣迎

送朱丹林之武昌

綠樹暗征途依依別酒鑪楚江新水潤夏口暮雲孤賦
手推鸚鵡鄉思感鷓鴣紀行應有集好寄與劉盧

贈徐南田

素交誰第一君子有徐陵行古真情見文工拙手憎鶴
書何日召虎觀待時登爲問西家子探珠幾個能

八蟲詠次盛函山韻

逢

朝衙甫畢赴韶光
葉底枝頭下上忙
採取百花都釀蜜
絕勝蝴蝶漫飛翔

蝶

宿草穿花占一春
六朝金粉傳來勻
遠遶栩栩同歸夢
不信莊周是後身

蟲

冬蟄夏出白晝伏
薨薨日暮喧相逐
開幃霸主已云遙
誰耐如針與如鏃

蠅

營營類聚不知羞
空做齊宮同夢愁
變白為緇誰早別
垂嗟一賦足千秋

麥蛾

飛虫似爾劇堪哀
性喜趨炎迷不開
箇個茶毘非釋子
燈前何苦捨身來

螢

窗虛無月見清輝
拂草緣花力自微
吾老愧非車武子
從今暗室莫飛飛

蟋蟀

雄心壯氣九秋天
練日交綏不愛錢
奪得將軍名位定
宣盆對對戴花旋

蠓蠓

族類曾傳蚊蚋齊
甕中天在自東西
陰陽風雨先時識

名字何妨竊比雞

說文雞稽也能考時也蠖蝶一名醯雞

次荅徐南田兼示莊昇瞻

司馬家聲在驛留著秀州榻懸懷孺子徑掃遲東丘學
富斯為美囊空詎足憂巖巖吾黨冠肯與世沉浮
竟日間高論方知實副名樽前逢勝友夢裡悵幽情不
羨山公啓甘從俗子輕鳳凰池上客應笑兩狂生

萊妻五十初度

生不宜男萬事休行年五十等蜉蝣晦明罔逸誰青眼
龜勉徒勞已白頭門外履希眠病犬樓頭日出聽鳴鳩
空餘綠酒紅粳在愧向蓬軒一勸酬

盛函山見予甲寅夏日八首次韻貽示率疊酬

之

久拚世棄老江村何幸逢君笑語溫探得驪珠伴琬琰
吟成白雪伴晨昏好將國士無雙語重與英雄對酒論
却悔十年前白眼至今殘錦已無存

偶因中暑憇松前一咏佳章覺病痊靜數金魚翻荇帶
閒看翠鳥蹴荷錢鳧鐘已斷浮生夢筠管空纏未了緣
問舍求田非我事元龍或許共樓眠

火流暑退雨滂沱四壁虫聲漸漸多睡醒看螢飛竹徑
更長聽犬吠山坡性因愛懶旋成癖禪未降詩又著魔
莫怪五陵裘馬客浪將朱轂傲青蘿

心緒元如向日葵弟兄自幼慕郊祁脊令原冷烟籠草

金馬門遙髮帶絲染翰強臨摩詰画捩鬚難擬少陵詩
魯人尚把東家誚捧腹由他薄俗嗤

流品誰分濁與清廿年逐隊九衢行老無宛馬千金骨
健異溟鵬萬里情談笑尚難諧俗子步趨敢望附耆英
昨朝放艇南湖上一掬澄波已濯纓

人材此日正雲蒸得路爭誇鑑似冰小子偶然遊泮水

老生曾未識元燈賤宜學圃甘鋤菜懶就鼃磯賦憎蠅

獨羨孝章名藉甚安車竚望鶴書徵

時值科試三兒震世僥倖采芹

刮目依然立面墻少無卓行老徒傷徑情似矢常嫌戇
世態如秋逐漸涼量遜公榮貪舉白材非王衍謝雌黃
北窗高枕陶陶樂一日真如兩日長

垂垂疎柳拂秋蛸身隱深林敢惡囂月色不私金谷照
天香也逐草亭飄探竒有興思蘭若觀劇無心戀酒標
聞說子期知古調欲操流水問琴橋

附次韻夏日八首

海昌盛世璋

函山

炎涼荏苒閱荒村舶趁風高又劇溫雲幻奇峰殘雨
過景迷平楚霽烟昏葑棚閒設清陰座道侶時來物
外論埋首半生成目笑蠅頭贏得麓中存

蟹筐藥裏小庭前病入烟霞總不痊手蠟自營阮氏
屐誅茹詎望杜陵錢人來舊雨成虛夢鷗未寒盟了

夙緣一榻清風雙樹影北窗亭午耐高眠

湖有芳洲江有沱碧灣水木麥風多間收苓朮同龐

老畫取簌簌倩小坡窮鬼送仍來故鬼詩魔降更著
新魔吟邊晚岫銜斜日涼月穿林已映蘿
高髻村姝帶蜀葵白蒿又見采祁祁原蠶重整方圓
簿分繭還繅霜雪絲接果移花籬下課江風海月案
頭詩咿唔茅舍休爭笑楮葉成來已自嗤
焚香掃徑有餘清赫赤年來更懶行逃暑茶瓜新活
計入林烟月舊鍾情碁圍角勢閒敲子風定池光靜
落英本是迂疎難閱世滄浪何藉濯塵纓
滴殘凍雨晚霞蒸一枕涼風筆似冰塵冊卅年空作
蠹昏眸兩暈嬾隨燈黃楊合種吾廬樹紙穴閒嗤入
牖蠅老境蕭然全白傳阿崔何日是蘭徵

玉版凌雲已透墻撐龍深護勿令傷枝抽葱蒨真驅
俗烟籠歲蕤便納涼荷入亂池紛赤白蕉侵書幌映
鉛黃閒招二仲開三徑蓬戶清陰話日長
水湄翠葉亂鳴蜩靜裡清音不厭囂帶雨呢喃梁燕
入隔林馥郁蕙風飄却家近貫軍持釀車幅高窺菽
乳標梅雨趁雷翻小暑僮歸又報沒溪橋

內姪陳 孝友德風 校
孝思翼懷

大愚橐

嘉興 褚鳳翔 愚一

尋樂處詩上

乾隆甲子起乙丑止

五十之年忽焉已過匆匆駒隙中不如意之事日
常八九誦人生行樂之語輒自失焉壯不如人老
而多吝孔顏造詣渺不可尋惟咿哦一室庶幾忘
食忘憂蓋性之所好弗能自己也因即室中之舊
額以名紙上之新詩

新正十三日南湖觀水嬉

春來旭日麗清晨上小船放棹入南湖湖水淨無烟面
面集蘭舟簫鼓聲震天須臾百戲作獻技欲爭先弓鞋

誇走索花板試鞦韆猱升累桌跳蹴踘隨缸旋揮椎何
裊裊翻刀尤翩翩咲談歡窈窕顧盼喜嬋娟誰家挑達
子輕逐春風顛携優踞鷁首挾妓醉綺筵胡盧我獨返
清吟勝管絃呼孫安筆硯紀此昇平年

開池得泉

一池百餘年窠下苦無水霖雨雖滂沱盈盈不足恃春
仲天久晴鳩工咸奮耜畚鍤紛然齊丈餘開未已原泉
湧西偏混混從地起隔宿水清連一泓俯視喜買魚畜
其中蕩漾自今始先人澤尚長源源顧視此

二月九日汪葵圃招飲綸蝦堂

花朝將屆玉蘭香北海樽開咲語長萬瓦聲勻驚隕雹

一天雲破見殘陽情多已怨嵇康懶禮失還容阮籍狂
分手不須愁路滑鴨頭船在水中央

懷盛函山

盛度文章伯新詩日擅名千言成頃刻五字洵長城弟
子橫經侍同人置酒迎壯心應未已竚看爾橫行

徐枚士自惠來歸見訪

修髯不逐歲華更少壯丰神一見驚舊侶隱隣翁子宅
新詩譽滿越王城秋晴霜隼橫空下風冷黃花向晚榮
知爾歸舟無寶載水晶難贈左邱明

哭次媳于氏

少小依姑別有緣温温性格共稱賢一從配作豚兒婦

甘苦全嘗閱七年

媳余內姪女也

從古承歡惟色難
婉容侍側老懷寬
年來愧我多涼德
致折閨中九畹蘭

兩年藥餌欲回春
往返吳趨動決旬
不信倉公千載後
門前如市總欺人

稚子綿衣裝未完
煖鞋手紉恐翁寒
秋殘拂拭窗前晒
觸目傷心淚不乾

家家中表異同懷
姑嫂誰如汝克諧
勞苦肯分衣食共
百年追憶恨難排

棘闈期近勉夫行
問疾歸來夢裡驚
揮手趣裝重赴試
男兒不及女兒情

姊妹三人第一賢
母心鍾愛未爲偏
可憐老眼新醫好
從此長爲流淚泉

傷心最是子虫虫
殮後憑棺欲故時
頭白舅姑空健在
不堪和淚慰嬰兒

枚士次韻見贈再疊酬之兼送粵行

身賤休將直道更
放言常使鬼神驚
狂同阮籍居南宅
美讓徐公擅北城
斗酒百篇誰御李
鹿裘三樂妄希榮
屋梁此夕溶溶月
隔水還如一室明

行年五十事多更
錯節盤根那復驚
才思湧如三峽水
政聲多在五羊城
芝蘭共喜堦前茁
風木終悲身後榮
此去瞻雲應倍切
倚門親眼老逾明

哭中五

爾生甫三歲靈椿遽棄捐慈母尤鍾愛恩勤誠獨偏大
父年已邁念及淚潸然我年踰弱冠兩子生叔前延師
就家塾請業恒比肩爾質雖不敏頌讀心自專十三出
應試握管亦成篇二十爲娶婦荆樹難再全析產倏十
載俗累紛來纏連舉兩佳兒蘭摧劇可憐今年值大比
銳意在着鞭豈知身外事乃被他人牽試畢甫抵家高
枕不得眠相親無王述終日強周旋行僻衆所悉知幾
苦不先鬱鬱致病作擇醫或可痊攻劑輒亂投安能須
臾延尼山昔慎疾此理爾未研徒昧保身哲狂瞽奉若
仙死者長已矣生者何辜焉我生過五十如日薄虞淵

歡樂猶苦短况乃百憂煎遺腹並生男瓜瓞庶可綿哀
哀仰天祝抱痛心益虔

南田見余贈枚士詩次韻貽示疊三首酬之

新詩三復徹寒更孝穆文章海內驚幾度彈冠追貢禹
何人故事及陽城青蒲伏闕他年事絳帳談經指日榮
頭白雙親期奉檄鼓吹慎莫負休明

漫學劉幾名屢更區區黜陟不須驚興搖五嶽衝文陣
力掃千軍仗管城殊域奇功輕介子平生稽古邁桓榮
石麟自是天生就畱占鰲頭輔 聖明

無才只合作田更利不關心名不驚卧異東山扃葦戶
尊追北海破愁城好全樗質甘終老懶看梅花競向榮

獨有詩篇藏未得百年臧否孰分明

次南田感懷五首

卅年頻鼓瑟與子並蹉跎豹隱何人問羊亡岐路多
燃香詩有派織錦手無梭且作書生老昇平免負戈
平生萬里志咕嗶咲么麼老去編成性愁來病作魔
有心希太古無力挽頽波欵段騎猶懶休言白玉珂
訪道嫌心雜參禪奈鈍何百城恣意覽五嶽夢魂過
笑測蠡中海羞爲山上荷獨欽徐穉行中立更無頗
作者才非是清狂敢詆訶評文多館閣度曲盡陽阿
廊外鷓哥架門前燕子窠主人同寂寞強似涉風波
寒雨松窗暗孤吟感蓼莪童心猶穉子處姊異孀娥
具

慶輸君福承歡羨爾歌墻東同志在爲善好觀摩

同徐南田徐國華于可菴莊繩武懷祖高友夔

集陸鍊師碧雲山房次南田韻

自信無他技何能友一鄉窮途悲阮籍縱酒學嵇康
白社高人會黃冠道士裝藏鈎豪興在拚逐少年狂

和莊愈廬病中書懷

頽日何曾肯再中爲駒堪嘆兩人同數殘寒漏銷香篆
羞見朝霞映綺櫳舊雨久踈應有恨新詩盈卷漫言窮
南華自是君家學從此逍遙萬慮空

寒晨雁啖和南田韻

霜落曉星寒飛鳴羽未乾書空形已就驚枕夢初闌
旅

館悲鄉遠空閨弔影單
絃琴如解聽悽楚不成彈

曙色照窗明披裘聞雁聲
羣飛爭得路失侶獨傷情
嘹

噫千山曉淒清一字橫
南行多水患安宅幾時成
秋間水發睦州

上江各郡俱被災

題三星圖

今古相看幾達人營營都是宰官身
誰將畫障三星貌

家慶如斯洵絕倫

華堂紫氣入新年桂子蘭孫繞綺筵
為報瑤池王母道

好攜仙樂奏鈞天

甲子除夕

嘗盡辛酸五十年衷情欲說有誰憐
西堂栢酒驅寒夜

姜被蕭蕭只獨眠

逢時自信不如人少小疋織一病身
頭白料無梁顥健

夢魂羞去拜雙親

不信居心老愈褊責身恒畧責人全也
思強學王戎策

其奈囊傾析產前

盛衰倚伏本無常最巧天公未渺茫
三十二年前潤屋

憶王承福語堪傷

次愈廬新正喜雪韻

三元催臘盡萬戶雪霏霏
玉樹新盈砌青陽已載旂
春

回一老健興到百箋飛
好約為禽向休歌丁令威

送徐明河入都

霽色催聯轡羣歌一曲驪依依辭外舅刺刺語諸兒唾
手攀蟾窟揚眉舞鳳墀看誰知郭震鄭重簡紅絲

次徐霞川花朝集羣玉軒觀梅韻

不晤南州近十春清談重接值佳辰詩同薤露宮商協
客與梅花意氣親愁裡紆情惟對酒燈前話舊又懷人
回思三十餘年事幾處門庭蔓草新

重過律水信宿駿惠堂賦贈陳織雲羣從

春風二月木蘭開十八年來重溯洄輪奐迥非前度色
桑麻猶似昔時栽梁間雙燕撩人恨雲際孤鴻動客哀
三代登堂君莫羨白頭壯志已成灰

穎川依舊德星多入座爭看笑語和竹葉浮來拚醉倒

燈花開處且高歌筵無惡客蘭同臭帳有經師玉好磨
記得太邱家範在率由奕葉定鳴珂

三潘橋夜泊

行行隨路聽鳩啼春雨不來日又低買壅船歸先灌地
搖車聲寂競挑泥荒村到處酒彌淡險韻分來詩懶題
且向蓬窗尋一夢桃花源水未全迷

贈鮑西岡明府

七邑爭推不染塵似南湖水淨無倫風流千載追蒙老
保障三年勝澤民息事并稀催稅吏偷閒貪作苦吟人
福星垂去甘霖沛孰擊登聞借寇恂

次鮑明府白蓮寺訪慎公韻

萬卷胸藏下筆神錦莊吟眺一維輪囊琴欲訪雲邊鶴
蠟屐先遊郭外村四野春烟萬老眼卅年吏隱笑晨門
慚予不逐陽鱈隊獲觀詩文欲細論
惠休詩句自怡神好引叅軍放畫輪八詠清風携滿袖
雙溪輿頌聽沿村時平客共修蓮社地迫人誰問鹿門
見獵偶然思獻技白頭工拙任評論

沈親母子孺人輓詞

新姻舊戚又西隣閩德深知下淚頻五夜和熊勞愛子
十年抱恙正家人梁間燕到猶傷別鏡裡鸞空倍愴神
碧落遙遙徒悵望錦囊金笈降何辰

過陳氏宜園

背郭名園駕水東村深遠却陌塵紅魚憑沼滿凌青草
鳥識春殘怨綠叢觸目何妨隨意笑賞心不在與人同
蘭舟籬外如鱗比斗酒雙柑何處逢

硤川漫興

木蘭南去麥秋天拂面薰風到硤川三尺短筇催兩屐
殷雷轂裡竚山巔
尋山問水素心貪嘯倚浮圖酒半酣極目平疇烟斷處
茫茫大海接天南

山上鶯聲山下泉舊游猶記廿年前竹林遙望碧雲寺

向晚思參玉版禪

東山碧雲寺第最佳

落日涼風細雨飛紫薇山麓叩禪扉濟尼未老塵心盡

清唄一聲人語稀

信步尼菴

慧力寺前颺酒帘沽嘗卧聽雨廉纖山門燬後晨鐘斷

何處鑼聲醒黑甜

慧力山門癸亥歲灾子舟泊寺前適市人賽會先期鳴鑼徹夜不寐

平明倚杖歷層梯巾角孫兒手自携不信七齡偏好事

僻間也欲把名題

長孫大德隨遊

對雨同朗上人集牌

晚來林樹暗烟影榻前橫堪喜飛觴淺天真靜轉生

對雨同于可菴莊懷祖小飲

夏五甘雨沛庭除白水盈逶迤入曲沼汨汨流有聲吟
餘側耳聽鳴湍怡我情松鼠竄高樹瓦雀匿檐楹焚香
烟繞座沽酒時獨傾嘉賓晚相對飲興殊公榮陶然行

雅令聊以永晦明

壽莊文載五十

解組歸來十四春百年過半二毛新縱無葉令飛鳧術
刺有陶公漉酒巾門外馬稀方是隱壁間琴在未全貧
萊衣羨爾趨庭舞朋酒先斟獻二親

贈梅里王觀所

王善醫

年少心靈似越人青囊驅使喜回春願同文正方彌慎
書慕忠宣妙入神梅里掄才聲氣久謂娛村翁駕湖延譽姓
名新白頭青眼從今望帶水盈盈結想頻

十憎詩

蟲類雖微同屬覆載何忍戕之但大暑既酷小醜

復爾橫行安得不憎乎波及蟬聲未免遷怒然聖
門高弟不遷怒者獨顏子蟬如有知諒不責予已
甚也

蠅

我肴經爾汗我衣經爾黑類聚尚營營貪心曷有極

載

青紫矜被體螫人緣衣裳誓將掃餘孽火攻蛄蜥房

蚊

飄忽不可測利鏃叢厥身隔綃猶吮血矧彼無惟人

蜈蚣

百足死不僵扶持因得衆力能制蛇虺毒甚安可中

蜘蛛

好生天地心爾何獨布網粉蝶豈妨人罹毒誰憐枉

螺贏

毛穎雖已禿詩就猶可題類我鳴筆冒累累毫沾泥

蝸牛

葦戶紙糊窗藉以蔽風日蝸牛負壳行剝蝕一何疾

螢

熠耀非無光宵明只暗室出身腐草中太陽照焰失

蟻

蟻也入我堂離汝槐安國竊負豈可常胡爲行得得

蟬

吟風韻自高，吸露志亦潔。憎彼日夕鳴，愁聽心悽絕。

秋日東愈廬

隔牆睽一月，同是懶衣冠。白雪興何在，碧筒飲不歡。蜩聲林外沸，蚊市榻前攢。輸與襄陽估，乘風帶笑看。

曉度杉青閘

木蘭嘔軋曉烟中，假寐醒時初日紅。不信落帆亭畔去，千檣依舊趁薰風。

立秋

大火忽告辭，烏兔行何疾。蜩蟬沸不休，促織鳴唧唧。餘暑尚蒸人，園林未蕭瑟。

中元後一日愈廬招集朝爽閣下觀蘭

七月既望，天氣炎朝爽閣下。畫卷簾八閩，玉鮎燕尾尖。主人愛客，客久淹。裸裎袒裼，衣不霑。郇厨絡繹，山海兼。蘭陵美酒濃且甜，百盞分飛罄。復添曹公德，盛老愈謙。包老興至，談鋒銛。公叔文采符鳳占，胡奴善飲語默恬。林宗鎮靜口若鉗，長卿英妙首獨黔。南華子弟玉指纖，架頭日日翻牙籤。客前隅坐肅視瞻，雅集不須觴政嚴。飽人以德心屬厭，手揮大斗非矯廉。僂僂忸忸，故小嫌。古人垂訓後人砭，微風拂戶日入崦。旻天雲淨月滿奩，去畱不吝師陶潛。出隨杖者歸茅簷，歸來醉把秃筆拈。書紙不敢汙素縑，送君噴飯掀蒼髯。花前大咲唾無鹽，金粟花下同愈廬。父子小飲。

一叢香正郁一盞醪常清傾壺對叢桂彷彿月中行嘉
賓喜有南華老喬梓良材觸目少細與評論制義家王
唐瞿薛理法好我新病起常欲眠高談入耳興勃然涼
風向晚飄金粟花撲玉缸芬醴醪酌君卮幸勿辭一年
好景有幾時我鄉在昔多園池天香秋日花滿枝繁華
逝水無復遺江村倦圃俱已矣過客何人訪舟里世間
富貴不可常莫羨門前鬧如市

疾中喜人惠野茶

一盞清風習習生汗霖兩腋病身輕年來孤憤逢秋甚
頓覺今朝散不平

次答愈廬

不材安分老作蠹縹緗間叢桂何能賦空囊莫買山性
嫌如矢直腰肯學弓彎感子頻投玉無雙媿鄭環

題朗清上人像

朗公習文字了道殊枯禪作為古今詩往往得真詮清
句老松杉好詞記往年師舊有詩云一
聯清句老松杉凭闌坐水閣潭影清

且漣以茲悟至理曠然空大千空中現色相戲將小影
傳不豎天龍指不示歸宗拳焚香拂淨几此外都棄捐
獨存趙州眼光明照無邊

九日登真如塔

氣肅秋清極目遙參差黛色海山椒橫塘蟹斲看如櫛
長水菱歌聽勝簫顏媿丹楓逢露渥髮隨踈柳未霜凋

扶行賴有孫兒在笑語憑闌樂事饒

十月晦日

笑語兒孫共燈明月晦時寒侵醇酒薄歲逼老懷悲舊
侶看何在綈袍孰待貽一囊羞澀甚留貯感懷詩

乙丑除夕

歲盡冬存尚決辰擁爐寒氣暗侵身羣兒笑語痴歎送
老子歡顏領謝頻報吉聲中更迪吉薦春盤後待迎春
寢門定省依稀記四顧空思愉色人

世姪孫枝發桐越校

